

» che poderavè produr dei effetti miserabili, e delle dispute, conti-
» nua sorgente de discordia.

» El se lagna, che nol ze stà chiamà a dir opinion. Ghe rispon-
» do, che nè ello ga la facultà de cercar de entrar nelle conferenze
» della Signoria, nè la Signoria quella de interrogarlo. Senza una
» suprema decretazion no se pol aggiunger cittadini ai corpi, e el
» farlo saria colpa de stato. L' ha fatto donca ben a non ammetterlo,
» ed era forse per zelo, trascendente per altro le leggi, el so deside-
» rio d' entrar. L' ha ditto, che nol pol esser proponente ; che sta
» facultà sta solo presso la serenissima Signoria. Lo lodo, che el sia
» sta fra i limiti del dover, e che l' abbia la persuasion de non vo-
» lerghene sortir, perchè se ne offenderave le leggi, e anderia in
» confusion quell' ordine armonico, l' uscir dal qual saria cosa fatal.

» No le ha avudo da mi una disputa ; le ha avudo un cor since-
» ro, che ze esposto improvvisamente, e ha malamente spiegà quel
» che el pensava. Me par de aver ditto, quanto basta, perchè le
» possa deliberar, e per ben della patria, e per guarir da tanti mali,
» e per rescinder i motivi de discordie, perchè non resti dimezzada
» l' autorità loro, perchè la Signoria operi, i magistrati agisca, el
» Senato deliberi, fenisca le question accresciude dalle parole alte-
» ranti el vero senso della proposizion, onde i arriva al proposto fin
» de regolar el lusso, el costume, de adattarse alle leggi. Così vo-
» lentieri renderemo conto a Dio Signor della disposizion del nostro
» voto. Così averemo insegnà ai cittadini, messo in soggezion el mi-
» nistero, discorrendo le sue malizie rese occulte e sicure dalla no-
» stra inscienza. Se al manco me fosse riuscito de ottener che fosse
» fatto un esperimento de sta parte : padroni altra volta de coman-
» dar, quando no la ghe ne avesse visto degli utili effetti. Ma in-
» tanto le dia termine a question de quattro zorni, le dia un' esperi-
» mento, le fassa una prova delle intenzion de chi propone, e le
» sperì nella benedizion de Dio, conservando le leggi, mettendo in
» esecuzion i corpi de ritrar beneficio : ma el maggior sia in elle
» stesse, perchè el comandar e non obbedir, ze lo stesso, che non